



Sofia Geisler
Inatsisartunut ilaasortaq, Inuit Ataqtigiit

Meeqqat atuarfiat pillugu § 37 naaportorlugu apeqqutip nr. 174, 2019-ip akineqarnera.

06-05-2019
Sagsnr. 2019 - 10505
Dok. nr. 10611715

Asasara Sofia Geisler,

Inatsisartut suleriaasiat naaportorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

Postboks 1029
3900 Nuuk

Tlf: +299 34 50 00
Email: ikin@nanoq.gl
www.nanoq.gl

**1. Meeqqat atuarfiat pillugu inatsit 2002-miit atuuppoq.
- Inatsisip atuutsinneqarnerata malitsigisai iluatsitsinertut taaneqarsinnaasutut Naalakkersuisut naliliippat?**

Akissut:

Meeqqat atuarfiat pillugu Inatsisartut inatsisaat nr. 8, 21. maj 2002-meersoq Inerisaaviup ingerlanneranut killiffiup qiteqqunneranut nalilersuinnermut atatillugu 2010-mi nalilersuiffigineqarpoq. Tamanna sammineqartoq pillugu 2011-mi upernaakkut kommunit sisamariarlutik isumasioqatigiinnerannik kinguneqarpoq. Tassunga atatillugu nalunaarusianik pingaarnermik, kommunillu nalunaarusiamut ilanngussaannik sisamanik suliaqartoqarpoq. Killiffiup qiteqqunneranut nalilersuilluni nalunaarusiaq aamma taamanikkut Akileraartarnermut Atugarissaarnermullu Ataatsimiititaliarsuup nalunaarusiaa nangillugit meeqqat atuarfiat pillugu inatsimmik nutaamik suliaqartoqarpoq, taannalu Inatsisartut 2012-imi ukiakkut ataatsimiinneranni Meeqqat atuarfiat pillugu Inatsisartut inatsisaatigut nr. 15, 3, december 2012-imeersutigut Inatsisartunit akuersissutigineqarpoq. Inatsisartut inatsisaata taassuma atortuulersinnera peqatigitillugu meeqqat atuarfiat pillugu inatsisartut peqqussutaat nr. 8, 21. maj 2002-meersoq atorunnaarpoq.

2016-imi kommuninit sisamaasunit, KANUKOKA-mit, IMAK-mit, Aningaasaqarnermut Naalakkersuisoqarfimmit kiisalu taamanikkut Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfimmit peqataasoqarluni workshop ingerlanneqarpoq. Tamanna nangillugu allannguutissatut siunnersuummik suliaqartoqarpoq, taannalu Meeqqat atuarfiat pillugu Inatsisartut inatsisaata allanngortinnissaa pillugu Inatsisartut inatsisaatigut nr. 21, 13. november 2017-imeersutigut Inatsisartunit akuersissutigineqarpoq. Allannguutissatut siunnersuut taanna aqutugalugu ilaatigut klassimik uteqqiisinnaaneq imaluunniit klassimik qaangiisinnaaneq periarfissaalerput aammalu atuartut angerlarsimaffiitut ilinniartullu ineqarfiinut tunngatillugu minnerpaaffiliinissaq pillugu malittarisassanik aalajangersaasinnaansamut tunngavissiisoqarluni.

Ilanngullugu malugeqquneqassaaq Naalakkersuisut kommuninik aamma ilinniartitsisut kattuffiannik IMAK-mik suleqateqarlutik kimulluunnit attuumassuteqanngitsumik meeqqat atuariannik nalilersuisitsisimmata, tamannalu 2015-imi Danmarks Evalueringsinstitutimit EVA-mit suliarineqarpoq.

Nalilersuinermi pingaarnertut angusarineqartut pingaarnersaraat apersoneqartut amerlanersaat ataatsimut inatsimmik naammagisimaarinnillutik akissuteqarmata, taamaattorli inatsisip meeqqat atuariini naammattumik misilinneqarsimanninnera oqaatigineqarluni.

2. Apeqput 1-mut akissut aappiuppat: Taamatut naliliinerminnut Naalakkersuisut suna tunngavigivaat?

Akissut: Apeqput 1-imut akissut innersuussutigineqarpoq.

3. Apeqput 1-mut akissut naamiuppat: Taamatut naliliinerminnut Naalakkersuisut suna tunngavigivaat?

Akissut: Apeqput 1-imut akissummi tunngavilersuutit innersuussutigineqarput.

4. Apeqqummut tunngatillugu paasissutissanik attuumassuteqartunik Naalakkersuisut peqarpat?

Akissut: Soorlu ilisimaneqartoq Naalakkersuisut suliniut "Ilinniartitaaneq eqaatsoq ataqatigiissorlu" misissueqqissaarfiusussaq ineriartortitsiviusussarlu aallartissimavaat. Taamaaliortoqarporlu nassuerutigisinnaaleratsigu nunatsinni atuartitaaneq ilinniartitaanerlu pitsaassutsikkut sutigut tamatigut kivitsiffiusariaqartoq, tamannalu periutsimik atoruminarnerusumik ataqatigiinnerusumillu pilersitsinikkut anguneqarsinnaassasoq, matumani kikkueqaluartut suleqatigiissallutik meeqqat inuusuttullu meeqqat atuariannik ilinniartinnillu naammassinnikkumallutik takorloortakkatik anguniarnissaanni. Suliniummi siuliani taaneqartumi ilaatigut meeqqat atuariata ilusilersugaanera, aaqqissugaanera atuariammilu suut sammineqarnersut aamma minnerunngitsumik aqutsisoqarneq pillugit Naalakkersuisut ilinniartitaanermik eqaannerusumik ataqatigiinnerusumillu pilersitsiniarnerannut iluaqutaasussat qitiutinneqarput. Sulinermi tassani ilinniartitaanermi qaffasissutsini assigiinngitsuni ilinniartitsissutaasut allallu soqutigisallit Naalakkersuisut peqataatinniartuassavaat.

Tamakku tunngavigalugit Naalakkersuisut nalilerpaat suliniummik misissueqqissaarfiusumik ineriartortitsiffiusumillu suliaq aallartinneqartoq meeqqat atuarianni pitsaassutsip ataatsimut kivitsiffigineqarnissaanik kinguneqarumaartoq.

Inussiarnersumik inuulluaqqusillunga
Med venlig hilsen



Ane Lone Bagger